

## Svar

### fjármála- og efnahagsráðherra við fyrirspurn frá Birni Leví Gunnarssyni um ferðakostnað og dagpeninga ráðherra og ráðuneytisstjóra.

Fyrirspurnin hljóðar svo:

1. *Hver var frá árinu 2006 árlegur fjöldi ferða fjármála- og efnahagsráðherra (áður fjármálaráðherra) annars vegar og hins vegar ráðuneytisstjóra til útlanda vegna starfa á vegum ráðuneytisins?*
2. *Hve háar voru árlegar greiðslur dagpeninga hvors um sig vegna þessara ferða?*
3. *Hversu oft á hverju ári fengu ráðherra og ráðuneytisstjóri  $\frac{1}{3}$  hluta dagpeninga og hve oft  $\frac{2}{3}$  hluta?*
4. *Hverjar voru árlegar fjárhæðir, skipt á ráðherra og ráðuneytisstjóra, vegna hótulgistingar þeirra annars vegar og hins vegar annars ferðakostnaðar?*
5. *Í hversu mörgum tilfellum hvert þessara ára var ráðherra eða ráðuneytisstjóra ekið út á flugvöll í bifreiðum ráðuneytisins og í hve mörgum tilfellum endurgreiddu þeir þann hluta dagpeninga sem ætlaður er til að standa undir þeim hluta ferðakostnaðarins?*
6. *Hversu oft og hve háar voru árlegar endurgreiðslur ráðherra og ráðuneytisstjóra vegna styrkja og hvers konar hlunninda sem þeir nutu erlendis og eiga samkvæmt reglum ferðakostnaðarnefndar að koma til frádráttar almennum dagpeningagreiðslum?*

1. og 2. Sjá eftirfarandi töflu.

3. Fjallað er um greiðslu ferðakostnaðar vegna ferðalaga á vegum ríkisins í reglum nr. 1/2009 sem tóku gildi í mars 2009. Þar kemur fram að ráðherrum og forseta Hæstaréttar skuli greiddir  $\frac{2}{3}$  hlutar dagpeninga, en  $\frac{1}{3}$  hluta dagpeninga ef um opinbera heimsókn er að ræða. Auk þess skal þeim greiddur ferða- og gistikostnaður, risnukostnaður og símtöl.

Í eldri reglum um greiðslu ferðakostnaðar, nr. 39/1992, kom fram að ráðherrum og forseta Hæstaréttar skyldu greiddir fullir dagpeningar. Auk þess skyldi greiða ferða- og gistikostnað, risnukostnað og símtöl. Samkvæmt sömu reglum skyldi ráðuneytisstjórum, auk fleiri sem sérregla gilti um, greiddir  $\frac{4}{5}$  hlutar fullra dagpeninga, auk ferða-, gisti- og símakostnaðar.

Með breytingunni árið 2009 lækkaði fjárhæð dagpeninga vegna ferða ráðherra sem endurspeglar m.a. þann kostnað sem óhjákvæmilega fellur til vegna ferðalaga og dagpeningagreiðslum er ætlað að standa undir. Að sama skapi var sérregla ráðuneytisstjóra og fleiri afnumin.

Ráðherra fór í eina opinbera heimsókn á árinu 2013 og eina á árinu 2016. Fyrir þær ferðir fékk hann greiddan  $\frac{1}{3}$  hluta dagpeninga. Eins og áður hefur verið nefnt gilda ekki lengur sérreglur um dagpeninga ráðuneytisstjóra.

4. Sjá eftirfarandi töflu. Í yfirliti ferðakostnaðar ráðuneytisstjóra má sjá að gjarnan er greiddur dvalarkostnaður. Á móti fellur gistihluti dagpeninga niður. Þetta fyrirkomulag leiðir ekki til kostnaðarauka fyrir ráðuneytið.

5. Í 8. gr. reglugerðar nr. 1281/2014, um bifreiðamál ríkisins, segir að leggja skuli ráðherrum ríkisstjórnarinnar til bifreið til afnota vegna starfa sinna. Þar af leiðandi er ráðherra jafnan ekið til flugvallar í bifreið ráðuneytisins. Ráðuneytisstjóra hefur ekki sérstaklega verið ekið til flugvallar í bifreið ráðuneytisins.

6. Í 7. gr. reglna nr. 1/2009 segir að styrkir og hvers konar hlunnindi varðandi gistingu og fæði sem ríkisstarfsmenn njóta meðan á dvölinni stendur skuli koma til frádráttar almennum dagpeningagreiðslum eftir því sem við á og unnt er að meta hverju sinni.

Á ferðalögum ráðherra og/eða ráðuneytisstjóra ber við að gestgjafi eða sá aðili sem hýsir fund bjóði veitingar eða standi fyrir kurteisviðburði sem hæfir tilefninu. Hefð hefur skapast fyrir því að leggja ekki sérstakt mat á umfangið þannig að það hafi leitt til frádráttar almennum dagpeningagreiðslum.

<b>Ferðir ráðherra erlendis 2006-2017.</b>				
<b>Ár</b>	<b>Fjöldi ferða</b>	<b>Dagpeningar</b>	<b>Fargjöld</b>	<b>Dvalarkostnaður</b>
2006	8	568.950	1.105.535	452.770
2007	7	659.842	1.152.940	324.475
2008	11	1.146.631	1.254.820	904.921
2009	6	112.800	1.142.590	376.859
2010	7	0	1.150.206	270.566
2011	13	0	2.604.370	856.076
2012	3	220.302	469.450	269.264
2013	4	443.145	739.160	365.459
2014	7	510.263	1.364.430	799.948
2015	2	482.872	591.412	476.806
2016	6	416.521	1.251.193	329.303
2017	5	305.798	683.047	405.377

  

<b>Ferðir ráðuneytisstjóra erlendis 2006-2017</b>				
<b>Ár</b>	<b>Fjöldi ferða</b>	<b>Dagpeningar</b>	<b>Fargjöld</b>	<b>Dvalarkostnaður</b>
2006	9	627.996	1.030.520	505.279
2007	9	703.994	1.180.680	545.876
2008	9	868.025	1.387.003	545.464
2009	7	752.743	948.140	0
2010	7	378.876	1.267.893	445.505
2011	8	516.182	1.468.590	399.675
2012	4	332.121	671.500	479.892
2013	9	577.693	1.121.380	684.777
2014	6	351.760	737.840	426.998
2015	7	531.103	1.030.583	815.250
2016	8	463.351	1.140.244	623.723